


石倉十二代詩選

百十三



明次五十二之六

漢書門類	
三七四五號	函
一九七號	架
一四二冊	冊

漢書類	
三七四五號	冊
一九七號	架
一四二冊	冊

內閣文庫	
番號	漢 3745
冊數	142 (115)
函號	319 25

明次集五百十三

百十三



石倉十二代詩選

明次集卷五十二

龜菴集

大明

長洲吳寬著

後學曹學佺閱

寄題陽山澄照寺

淺草文庫

今威稟仙骨化鶴去遼東傳聞有遺井乃在青

山中山深草木盛苔徑誰能窮爰有釋氏子於

此構蓮宮殿閣頗雄傑林杪見青紅高厓石色

古小洞雲氣通神龍室其地上下雨兼風歲時

郡長吏祈禱頻年豐我昔過東麓落日明丹楓

龜菴集

明吳原傳

次集卷五十二

一

歷代詩選 月 廿九 日
所恨足力弱徒然望龍嵒何時躡其巔歷覽無
忽忽回頭發浩嘆深愧南飛鴻

初夏雨霽

好雨夜來過朝陽散新晴朝回一解帶偃仰向
南榮焚香遣塵慮讀書怡道情屋角槐初綠時
聞好鳥鳴誰知城市裏心境有餘清

再遊城南

登高始經旬野景宛非昨園空秋葉深山淨寒
雲薄清尊喜共持破帽拚重落日暮淡忘歸黃

花鬢孤壑

分題百步洪送顧工部

長河勢屈曲學海遙之東瞬息瀉千里滔滔若
無窮忽然經彭城怒發何其雄千艘相上下往
往驚篙工昔聞入蜀險殆與三峽同行人舉足
計聊躡百步洪此地山根繞微禹安能通鑿石
尚磊磊急流爲磨礮噴射聲愈振石腹疑中空
美哉河渠使慮殫力彌攻水利歸上國期成疏
濟功月夜披羽衣清嘯黃樓中下視瓠子河在

築宣陽宮

秋日曝書偶閱韋蘇州集

白日落未盡竹陰滿前除。倏然暑氣退高簷。當
雨餘新松無悴色。萱花亦已舒。偶觀草木性中
懷一欣如。脫帽被麤葛。庭際方收書。愛此韋郎
句。把誦意踟躕。焚香更掃地。適喜中堂虛。累月
猶在告深慚。此閒居。

分題地橋送張公實

行經下邳城。試訪留侯事。遺蹟今何存。臨流漫

相指侯也。本韓人天其畀。劉氏奮擊沙中。錐作

取地下履。舉足直受之。匍匐更前跪。欲為帝老

師。寧被老人使。嗟當嬴政時。虐燄到經史。兵書

尤所禁。搜索徧焚毀。一編出袖中。依然先秦字。

乃知老人愚。遠勝始皇智。避世能全身。同時類

黃綺。維古多斯人。過客勿疑此。行見滄海君。終

從赤松子。

丙午郊祀齋居夜雨獨坐

時予以服不陪祀

春城閉重門。夜館耿孤燭。默坐方悄如。柝聲遍

相續擁衾未成眠伴我只僮僕微雨恣飄揚寒
花結羣玉員丘歲有事大駕朝出宿明當還法
宮天意亦可卜清道少浮塵龍車爲膏輶郊南
只尺地宿麥芽已綠願言同發榮 皇恩被陰
谷

喜雨

北方苦春旱入夏雨亦微俄然見簷溜及午正
霏霏散步荒園中不覺沾我衣草木總欣悅膏
沐滋容輝昨者宿齋戒徧走神祠祈禮官朝入
秦獨與 皇心違謂此在朕躬聿當幹玄機宸
衷之所至端能動天威今年定有望吾民應免
飢

聞故園山茶爲人所折

山花昔年植正在竹亭西雨露頻長養豈同蒿
與藜廿年始還家見此枝猶低隔歲綴芳葢花
開剪成緹亭今已撤去亂石甃爲隄復此與花
別夢寐不能迷頗聞此樹下春來踏成蹊衡門
不常關頑童皆有攜如何忍攀折狼籍滿春泥

歷代詩選 明與所傳
遂令鳥雀至月夜無枝栖淵明問來使草木入
詩題安得人愛惜高與南簷齊

負暄

朝坐見日升夕坐見日落午坐日更多煖氣如
火灼陋居類田家不省在城郭高樹凡數株黃
葉被霜搏何曾遮陽鳥更復聚寒雀傍不啓窗
扉前不垂帳幕炙背真可獻此語非善謔昌黎
却避景遷坐身屢作我幸無此勞竟日不展脚
自我有此居綿裘不重着冬日何可愛可愛更

可樂

望嶧山

魯郊空且曠目力安能窮倏見千仞青橫截乎
其東羣山相後先蹲踞猶兒童尼丘亦遠避何
曾數龜蒙嘗讀禹貢書其陽產孤桐剪伐成何
用茅茨舜爲宮諒惟製琴瑟搏拊歸良工因之
懷古人仰睇雲霄中

入孔林

兩楹旣夢奠黯矣斯文光巍巍魯城北冠屨於

馬藏墓木不可辨。合抱千萬章。知爲門弟子。移
植來四方。惟昔治任日。相向哭且傷。孰知千載
下。儒者猶心喪。愚生復何幸。瞻拜俄其旁。我去
有周末。藹然覲溫良。如陪游與夏。執贄同升堂。
惓惓東引領。夙願今始償。嶧山千仞高。泗水百
里長。何必四尺封。天壤俱存亡。

雨後答邵文敬

急雨過荒園。似向城西去。豐草覆清池。涼風起
高樹中。懷適欣欣入。手得佳句累。日苦炎蒸條。

然在何處

重九無菊

佳節喜載臨。藉有杯中祿。如何籬落間。獨少鼓
枝菊。遙遙小南城。異品應滿目。野人不好事。移
送何不速。無酒人但醒。無菊人尤俗。我與陶淵
明。事事相反覆。俗病惟自知。客醉解留宿。淵明
祇欲眠。往往客遭逐。黃花有時衰。一賞已自足。
歲宴色青青。墻陰自修竹。

夜坐

歷代詩選 卷之十
伐磬一何促擊柝一何遲夜景坐來寂流螢自
參差片月不常照浮雲相蔽虧葛襟滿涼氣伏
暑無炎曦坐來欲歛席微雨猶絲絲良夜豈不
愛耿耿如有思出處有道在行止非人爲惟應
乞身後終年守茅茨

爲盛舜臣題山水長卷

城西蕩雙槳遙背伍胥門人家枕河任漸喜歷
鄉村豁然見平田農夫荷鋤去好風吹嫩苗微
雨灑高樹葦間多放艇柳下或扳罾錦布芡荷

蕩沙明鷗鷺汀魚梁接牛宮沽酒新郭市迤邐
到橫塘虹橋垂四趾亂山似遮路旋轉自長溪
水入太湖北雲生光福西扣舷唱吳歌有客中
流過千載懷古心悠然欲相和香徑旣云沒琴
臺亦成空山頭明月上仍照館娃宮登高信徒
勞望遠發深喟閒展圖畫看舊遊一何類

董北苑溪山風雨圖

黑雲擁高山頂刻風雨至豁然海潮聲草木爭
偃地曠野少人行山僧獨歸寺衲衣盡沾濕敲

戶何急事倉皇村居民乘屋亦何亟一婢已抱
甕一婦更持器重茅借被卷破尾家所寄戴笠
者漁郎理網屈雙臂老翁若望家擔物終不棄
陸走尚甚危水行可無畏前溪波浪惡篙折水
流駛行者當早歸居者不預備良工爲此圖三
嘆有深意思見晚來晴雲淨山潑翠始信娶時
間天工特相戲

爲楊應寧題夏太卿墨竹

舍人好畫誰與儔子美詩中之劉侯鳳池退食

多清暇每抱縑楮從人求昨者開筵宴賓客四
壁彷彿橫滄洲酒酣指點到修竹數竿倒拂湘
江秋清風條條刷翠羽孤鳳欲下中堂游乃知
夏卿妙筆墨奇態縱橫纒頃刻歛然令我走避
之仰面分明墮崖石紛紛真贗不可知我意是
竹皆堪詩試看北地苦難得此種數尺青垂垂
舍人好畫兼好奇明日南行過九疑扁舟夜靜
月初出想對楚人歌竹枝

題周仲瞻藏絲花鳥

越女染絲成五色，隔窗未學秦川織。鮫人水底
夜不眠，乞與冰綃纜數尺。洛陽名花舊譜傳，品
第已無天下敵。妙手能收後素功，畫苑羣工空
嘆息。珍禽入貢從嶺南，長羽淨掃花間石。金刀
莫遣斷其尾，高格豈是雄雞匹。顧影峩峩見冠
幘，日午畏寒交錦翼。姚黃魏紫雜鞞紅，頓覺春
風價增百。古來觀象聞虞皇，絺繡分明有六章。
女紅相習來亦久，一日燦爛懸高堂。周卿得此
朱雀航，施朱傅粉皆尋常。寸心欲效仲山甫，獻

入明光補袞裳

修竹仕女圖

曾讀杜甫佳人篇，佳人今向畫圖傳。練裙縞袂
春風裏，不減花神并水仙。牽蘿補屋居空谷，日
暮依然倚修竹。只隔西隣尺短牆，楊花榆莢紛
相逐。

送蔣蒲州

郎吏紛紛填仕途，初試幾人爲大夫。如君本是
青雲器，有身豈合居江湖。山右大州稱古蒲，手

中新分太守符昨聞州人告荒歎衆口待子歆
且舖進士中人不流俗設施宵作科名辱黍稷
豐登雞犬寧聊以茲行遂民欲宣武街頭車已
裝乘此十日秋風涼青天睂宇太行秀平野襟
帶黃河長州中父老出郊迓來日太守登公堂

揚太真剖瓜圖

深宮六月涼風至。紈扇團圓奪秋氣。却恨君王
賜浴遲。華清水熱通宵沸。金刀手弄雲鬟低。楊
柳樓頭日已西。莫誇碧椀紅瓢美。玉齒病來憎

瓠犀

爲徐仲山題虎丘觀泉圖

徐子昔年官水部。匹馬蕭蕭歷齊魯。運河水滿
萬艘通。汝泗交流無壅土。歸來泉志手親編。好
與河渠書並傳。不識當時陸鴻漸。齒牙空味虎
丘泉

園中晚步戲作

晚涼散步清陰下。一樹古槐當廣廈。畦間雨過
井水渾。墻上煙凝日光赭。病來一月不朝參。名

歷代詩選 卷之四
姓在朝身在野要知未許吾獨閒舍有閒僮廐
閒馬城中塵霧漲天高披襟誰是同游者果然
此日是匏翁昨種苦瓜今可把

爲寧縣令蕭光甫題墨梅

老幹彎碕新幹直總是昆吾鑛鍊色枝頭忽被
北風吹併出踈花成戲劇薄如蟬翼細蝶鬚敢
與臘雪偏相敵雪也無香復易消阻山背水俱
無策花神冷笑不言功月下條條倚蒼壁狂游
不到綺陌間小隱時當野橋側平生高韻有誰

知此種奇姿何處得補之已逝叔雅亡人間久
矣無清蹟詩人未補白華詩畫家重倒金壺墨
悠悠此意我所諳欲向蕭侯聊比德試看寧縣
九年官篋裏只餘花的的士林傳玩等甘棠黃
鶴樓中莫吹笛

戊申燕九日

正月十九爲元長春丘真
人生辰京師人爲會甚盛

京師勝日稱燕九少年盡向城西走白雲觀前
作大會射箭擊毬人馬吼古祠北與學宮依簫
鼓不來牲醴稀如何義士文履善不及道人丘

處機

中秋夜登仲山新樓賞月

天街東來喜橫亘夜靜無塵斷車乘青天故遣
月娛人特爲中秋月轉瑩昔人徒訝一分虧此
物始知千里徑團團餅餌家家如矮屋仰觀殊
不稱望裏撐空木最高上施平板還加釘已好
樓居仍好客主人引我凌飛磴解衣褫帶重留
延案上珍腴已先釘湏臾衆客報齊來一笑頓
忘腰折磬庾公故事擬重修亦復平生無淺興

少焉月轉簷楹間起傍朱闌時一凭俯觀南苑
白茫茫素練平鋪目難暝中山地近兔毫分巨
海波浮蚌胎孕舉瓢便可酌河水着展那能絕
泥濘椽筆誰將華榜題茲樓只合名超勝置身
如在太湖心萬斛龍驤初下矧端愁波浪欲掀
翻爲語諸公宜坐定羣童獻技舞且歌鳳腹空
空四絃絙我方沾醉陶陶然新調疑從夢中聽
夜深風露忽淒涼高處不勝寒起脛主人歡飲
意何濃美酒如泉瓶未罄底須隔屋問西隣走

送茶瓜勞僕媵明年未審在誰家鄉社佳期當
預訂言方脫口客已聞吐酒闐然爭出應我家
海月舊傳名菴外清光長有賸王敵隔巷每共
之今者安知非我贈戲言若大却非誇薄意頗
誠真不佞小園雖說乏樓居早向幽亭設長凳
杜老還教徑掃花范家莫道塵生甌諸公倘許
過高軒就煩執此詩爲証

謝安遊東山圖

東山高臥如龍蟠天下蒼生望謝安徵書再下

翻然起五十不妨初作官征西將軍姓桓者致
我胡爲居幕下新亭狎視猶小兒流汗何人面
如赭北兵百萬次淮淝別墅與客方圍棋捷書
已至未終局江上阿玄班捷師高懷磊落多長
技誰識向來遊戲事後世風流強慕之登山也
復攜歌妓

春溪聚禽圖

春溪遠發春山中一夜好雨溪流通綠波泛漲
渺無際但見桃花千樹紅鴛鴦灘鴻何容與散

亂中流錦爲羽倉庚獨似避游人去踏花枝落
紅雨草深哺子芳洲晴葉暗仍聞求友聲展圖
便有會心處放棹欲作春溪行玄裳縞衣彼何
者爲戀高松倚平野莫論鴻鵠志安知名字俱
標在埤雅

早起

喔喔雞三唱城居數遠村髮隨秋葉落日與曉
燈昏對案仍呼飯披衣又出門自憐衰朽質終
歲謁天闕

送盛術還吳江

一舸東南去望望故里門夕陽煙市影秋水雪
灘痕製藥當書案彈琴罷酒尊相過官舍裏應
是史西村

壽席道士

白頭一羽客何處曾相逢月下老翁井雲間玉
女峰蹣跚還似鶴變化真猶龍試問渠年紀山
中有古松

送仲山後坐通法寺西軒

歷代詩選
歇馬東城下緣堤踏淺沙長因送客日屢得到
僧家灌木陰三畝奔泉響萬車晚來簷溜斷天
際散紅霞

次韻時暘對雨喜晴二首

颯颯復霏霏清晨坐掩扉短籬垂豆角破壁上
苔衣潤覺琴聲緩涼驚酒力微客棲詩句滿未
許沈郎肥

斷虹連返照向晚喜新晴遠市浮埃盡長溝積
水清歌謠童子事刈獲野人情身在幽燕地無

勞賦北征

送林朝信還廣西分韻得歲字

玉河凍不流曉結冰花細客館傍東堤三句喜
留滯捧表被光華開筵接親契抵任尚遲遲吳
門度新歲

喜儲靜夫考功自南京至

與子三年別長存耿耿思偶來今日雨又屬暮
春時風度看逾好功名喜未遲吏曹能自署應
不數光羲

晚至湖上

到湖疑路盡忽復轉林塘雨後添泉脉雲中漏
日光新蒲仍自綠怪柳不成行欲唱吳歌去憑
誰覓野航

次韻賓之重九值雨獨至

懷麓堂前樹蕭蕭感暮秋閉門逢節序落帽想
風流空負此時酒閒登何處樓不須論雨讖四
野少禾頭

次韻濟之招仲山酌別

偶值三旬隙堪償千載忙有官原是夏此日豈
無陽重過煙花市長驅翰墨場不緣持玉節安
得解銅章未去須常會將來孰可量試看王子
宅或比鄭公鄉飲處誰招得行機已坐忘園蔬
從懶摘山果更高裝弄月當花檻臨風泛羽觴
幽篁如客瘦獨鶴擬人長使者新恩渥儒生故
態狂陽關莫先唱西出路微茫

謁韓斲王墓

家國何多難推尋為蔡童羸秦方逐北周室竟

歷代詩選 明史 卷之七
遷東江左朝廷在淮南驛騎通天終憐宋土時
則有韓公一劍橫天外諸酋在日中南雲當箭
鏃黃蓋走朦朧伐越期成霸于潛恥會戎蕭牆
狼跋盡野穴鼠羣空聚米籌三鎮開門待兩宮
齊王真濟美鄂國與爭雉有詔從中制惟詩詠
內訌閒游嗟我獨和議約誰同殉葬長弓勁題
銘片石穹龜趺呈細刻龍額表孤忠草樹樵蘇
斷菜盛享祀豐神靈懸皎日生氣亘長虹異代
今全盛應迫保障功

送同年簡齋道歸省

春半相逢在禮闈題詩忽復送君歸廬前名姓
慙楊炯洛下文章見陸機曉日攀龍恩共沐秋
風躍馬去如飛新年草色知人意應向階前映
綵衣

壬寅正旦侍班

爐煙如霧藹彤墀半啓金門複道時只尺星辰
華蓋轉中央日月袞衣垂普天鳳曆開寅歲平
旦雞人報卯時御座不勝袍笏近侍臣偏識

漢朝儀

送郭翔鵬進士知福寧州兼寄州倅馬庭

簡

閩海遙遙獨置州忽看秋水動扁舟暫爲魏闕
三年別定向吳門十日留甲榜尚稱新進士雙
旌已作古諸侯公餘獨恨詩筒少爲謝同官馬
以游

送劉職方時雍赴福建參政

早振詞林五色翰廿年郎署忽彈冠較書劉向
成新序判事姚崇起夏官楚客不驚湖海濶關
山能阻雪霜寒他時召伯甘棠樹只是南風荔
子丹

冬至謁陵出土城

馬上衝寒出北門豁然平曠識乾坤地連周圍
民猶小天作燕山勢獨尊看月未忘黃土寺披
煙仍見白浮村百官令節長來此籩豆如流習
駿奔

渡沙河

歷代詩選
卷之四
橋下流澌玉一灣十年重此照衰顏
疎林小店行厨設落日平原
獵騎還韋杜南連多白草居庸北界盡蒼山
天寒喜報王師轉驛路無塵羽檄閒

望昌平

脫轡平凌千丈岡披裘人耐北風涼
迢迢古轍餘秋潦漠漠平疇已早霜
日隱峰巒天易暝樹連城郭路何長
孤雲飛處梁公廟猶似當時望太行

作鶴房

枯篁密葦作房櫳故遣仙禽宿此中
曾見江南多鴨舍亦知吳下賸牛宮
綢繆牖戶朝南日倚傍垣墉避北風
莫笑乘軒如衛懿苦寒須念雪園空

送劉世爨赴四川僉事管水利

行行萬里去分司直到西川欲盡時
肯使江流歸灩澦還看山月照峨嵋
外臺總自刑曹出上馬親將御勅持
千古李冰功不廢離堆刊木

建生祠

宿呂城

連朝離抱不能平又記南來宿呂城
酒散長亭驚雨至棹依高岸識潮生
麥秋未到猶三月瓜步將臨只一程
賴有故人同夜坐白頭相對燭花明

題青州先賢祠

汴宋人才軼古先東方作郡總名賢
朝廷擇相多從此州縣勞人豈信然
隱隱故疆分海岱堂堂遺像照山川
至今新廟煩虛位莫道前修美獨專

追送張尚質戶部兼懷沈仲律王客

秋風騎馬向南行送別深慚句不成
顧我只如前日懶思君應比後湖清朝回
曉月當瓊島夢逐春潮到石城
遙想齋居無俗客相過多見沈雲卿

上元夜戴中書宅賞燈

南客相逢惜此宵燈詞酒令破寥寥
莫教隱几

生春夢就可聯鑣去早朝日色漸臨青瑣闥風
光多在玉河橋休文不赴斯文約應是嗔人折
簡招

送姜用貞赴南京刑部因懷項文祥

南去分司畫省郎行行因得奉高堂已如毛義
爲人子早向宗元識吏商春草訟庭稀獄案碧
山宮舍有書牀項斯別後年華改爲謝無詩遠
寄將

與諸友東郭草亭看牡丹二首

曾是平章宅裏花賞時還在故侯家帝鄉沉
此亭古人世但知今日嘉吟興待生滄海月醉
顏驚見赤城霞風流前輩凋零盡欲覓遺蹤事
已賒

背郭林亭風物幽綠陰時節更須遊獨憐芳草
容人臥多謝名花爲客留錦水築堂從杜老漆
園成器想樊侯暮春未許山陰占今日燕南襖
事修

與蔣宗誼城東觀泉因憶舊談越中五洩



之勝

秋早俄驚急雪流夜來高岬雨初收同行賴有三山客試問何如五洩游歇馬旋成燕市飲扣舷遙想越人謳玉泉山路涼風爽還約尋源向上頭

謝馮佩之次韻送鹽筴

桃竹初疑一束開齒牙還辨越船來囊盛藤子新題帖飯煑芹蒞漫作堆與逐先春風味勝功收斥鹵雪花嵬任渠老硬相評品未許伶倫當

管裁

夜坐懷齋居諸公次前韻

布衾寒擁對牀屏鵲遶南枝月過庭瞑目誰除童子障齋心自比太常醒花時漸好仍籠霧燈節相催屢問星便有玉堂天上意銅鑪當案冷煙青

游朝天宮

撲衣塵霧入門消修竹竒松步屨遙紫府新開延日月碧臺高築倚雲霄城頭瑞鶴招還下海

上枯槎坐欲漂爲憶仙家爛柯樹手磨石刻是
前朝

送僧永岡歸吳住白馬寺

石縫梅泉一縷清早年依此學無生紫藤垂塢
人閒步白馬馱經寺得名法席坐揮稷拂短官
河去上木杯輕山中試茗何時好擬借禪房折
脚鐺

火花

細蕊紛紛頃刻開環觀火候亦奇哉春回玉管

微微動風定金沙颯颯來桂子忽從天上落
花誰向水中栽夜庭一霎聊供笑坐客休將見
跋猜

答雪屋上人

巖舟山足扣禪機記得雲林啓半扉靜夜香爐
渾不冷深秋書札未應稀雪中老屋懷簷葡萄湖
上長鑱負蕨薇須信大顛詩律細世人休更笑
留衣

送賀澤民赴河南僉事

御史才名闕下知外臺行赴領分司豸衣未敝
何須改竊墨當坳尚不移南浦吟成芳草色曲
江過盡杏花時諍臣自古關休戚漢使行將召
望之

謝孫希說送長鳴雞

何物襍襍白錦毛庭前解縛便長號徒聞野鴛
令人愛未許蒼蠅代爾勞拔距羣來如赴敵峩
冠獨立自分曹夜深風雨偏安枕餽餽從今謝
子敖

玉延亭成次韻玉汝

偶栽山藥得佳名墻下幽亭一日成車馬勒回
無俗士壺漿傾倒盡平生升階脫屣長頭近倚
欄觀書老眼明此後來游誰復障繞籬須為惜
殘英

次韻諸友玉延亭聯句

樓高未許臥陳登聊結荒亭揖客升坐定圍花
紅雨斷望迷宮樹綠雲層墻低漸覺簫聲近杯
淺休嫌酒面澄願得留詩成故事西菴入夜更

挑燈

喜原輝弟至京

遠道親攜藥裹來當門下馬拂黃埃不驚舊日
形容改猶記前宵夢寐回出巷親朋宜漸訪上
牀兒子欲相陪平生四海尤憐汝得向窗間笑
口開

送原輝南還

清秋欲盡向南旋別淚何堪重泫然吾已行年
當五十汝今歸路又三千亦知禁酒勝良藥好
爲修書附便船舊業東城勞葺理相期歲晚在
園田

出昌平

晴旭熏人屬仲冬茆簷誰識煖如烘冰花細結
重溪石天籟遙傳萬壑松此日清醅除酒禁諸
公太瘦帶詩容來春裹茗應非晚最愛池泉歛
九龍

次韻施煥伯自製菜燈見送

龍從翠玉巧相連疑送春盤入夜筵園子看來

歷代詩選

明吳原傳

次集卷五十二

三五

十

偏錯若市人攜過已喧然肯將根抵埋泥土未
許光華照木天賸有儒家風味在買油聊費幾
青錢

秋享致齋呈同館諸公

紫禁門深早散朝步歸齋閣坐寥寥日高宿霧
渾如撲秋至涼風不待招河上圍人來浴馬樹
邊童子去承蜩詩仙只在爐烟底翻盡晴窗白
雪謠

次韻侍郎王公還南京留別

秋水浮來畫舫新南歸仍喜度天津未從江
誇王導如向朝端見李紳黃菊又逢燕地晚青
山偏愛秣陵春陛辭却在重瞳顧應識青宮舊
學人

贈顧正科鏞還中都

清晨持刺叩門投有客來從淮水頭吳下故家
依二曲沛中遺調習三侯閱人詩畫才情麗傳
世衣冠仕路優欲盡尊前鄉土話雪晴歸騎恨
難留

謝濟之送銀杏

錯落朱提數百枚，洞庭秋色滿盤堆。
霜餘亂摘連棋子，雪裏同煨有芋魁。
不用盛囊書復寫，料非鑽核意無猜。
却愁佳惠終難繼，乞與山中幾樹栽。

對雨

清池水長欲平橋，雨勢渾如上晚潮。
泛泛漸於亭礎近，淙淙真是甃泉遙。
即看竝汀波幾却，恐新生魚子漂東望。
菱濠歸去好吳儂，家有木

蘭橈

次韻任太常致仕留別五首

歸去如公未當貧，清溪碧嶂自爲鄰。
地偏易覺柴門晚，室煖先知布被春。
書爲長觀成故紙，衣從新浴少浮塵。
集雲山下吾廬在，得向今朝置此身。

此身真喜置吾廬，尚有牀頭一束書。
海口潮生知進退，天心月到識盈虛。
已辭朝士誰通訊，欲就漁翁更卜居。
百里好山俱在眼，只教童子導

籃輿

籃輿朝出看山初懶學陶潛去荷鋤新法不行
誰執拘舊書無用是潛虛俗人自詫才名盛老
態終嫌禮法踈三月柴門無客到日高閒把白
頭梳

濯足梳頭舊有緣更交午睡學坡仙一身自足
三間屋百歲誰增半畝田遇壑便回憂險地看
雲高坐愛晴天朝雞官馬俱無用贏得工夫是
晏眠

晏眠不覺過殘冬枕上哦詩做鮑容猶喜形
從小隱肯將名姓入斜封日中塵滿爭爲市州
低陰多獨課農應笑丁公偏差異宵深腹上夢
生松

觀耕籍田

春郊風動綵旗新快覩黃衣是聖人盛禮肇行
非自漢古詩猶在宛如幽朝臣共助三推止野
樂全勝九奏頻稼穡先知端可賀粢盛不獨備
明禋

送賀御史出守蘇州

吳民方切九重憂祖道休將五馬留朝著久稱
真御史封疆還屬古諸侯香凝燕寢韋郎詠棹
續花橋白傅游我忝郡人無以頌擬叨循吏傳
重修

宿功德寺航公房

山下禪堂向晚登扶筇一笑有盧能飯餘蔬筍
收齋鉢供雜香花映佛燈漢闕乍違同野吏吳
音無解盡鄉僧蒲團睡穩回清夢風雨蕭蕭撼

古藤

飲玉泉二首

龍唇歎薄淨無腥純浸西南萬疊青地底洞名
疑小有江南泉品類中泠御厨絡繹馳銀甕僧
寺分明枕玉屏曾是 宣皇臨幸處游人誰復
上高亭

垂虹名在壯神都玄酒為池不用沽終日無雲
成霧雨下流隨地作江湖坐臨且脫登山屐汲
飲重修調水符渴吻正須清冷好寺僧猶自置

茶爐

徐州重修黃樓

樓中不見羽衣人
黃堊依然四面新
坐使河流循故道
俯臨山石倚長津
名邦信美皆吾土
勝日登高與衆賓
從此欲傳州守事
只須題壁掃清塵

葉翁以叢竹分種因題墨謝之

東巷青青早見分
歲寒別種共欣欣
世間益者成三友
林下賢人詠五君
雨過不須論醉日
風回時復見晴雲
傳神妙手今難得
聊入箋

送陳一夔調端州日知

古筠南去興飄然
僕子詩囊早在肩
莫以瑕疵論白璧
不妨顏面照清泉
秋江直入吳中路
春樹遙瞻渭北天
壯志未衰功業始
尊鱸誰愛味新鮮

送林世調赴湖廣叅政

已愛超遷愜所推
不知清議尚嫌遲
省中公事

方多日席上同年漸少時西控早成持檄夢南
行兼慰倚門思春來舍館渾如舊荀氏于今更
一慈

十六夜邀仲山濟之禹疇飲

雪月交輝嘆未曾寒生硯沼見春冰年將六十
應推我地近西南已得朋坐久市燈無一盞飲
來官酒只三升山陰回棹真堪笑此夜分明與
可乘

後夜無月

月向圓時正好看浮雲入暮故漫漫陰晴明日
真難料用舍平生只自安天上無人收倒影
東何處溢清寒虛簷不礙長松樹獨坐胡牀到
夜闌

中秋後二夜獨坐

不須把酒問青天秋色平分恨稍偏已覺初昏
星漸密難教既望月長圓詩中蟋蟀依牀下江
上芙蓉到檻前更有桂花香可挹虛堂獨坐未
成眠

夜宿啓南宅風雨大作

賓筵燈燭對清光更許扁舟繫岬傍
衆竅盡彌風在野舊痕猶記水侵墻
草堂突兀春星暗柳市回環海浪長
天意莫言能滯客老年難自別西莊

太廟候祭復游東園

百畝園依清廟開去年初夏憶曾來
繁花盡落留紅藥新筍叢生帶綠苔
北闕倚雲通劔佩南宮隔水見亭臺
令人頓作山林想况有蕭蕭白

髮催

次韻王汝報恩寺訪舊蓋嘗同寓文僧房
今三十二年矣

步履重臨塔影邊禪房深處裊香煙
金陵黃氣惟當代蘭若清氛似往年
花石映門幽徑側竹林圍屋古臺前
舊游零落多詩思莫怪摩挲爲悵然

偶有客言以老態從上爲壽徵戲成絕
白盡髭鬚正不愁吟詩撚斷更風流
從今越把

詩吟苦索性還教白到頭

詠南內新柳

節近清明楊柳新
玉河橋畔少車塵
都門送別應無數
不許臨岐折贈人
綠嫩遙看更碧柔
非煙非霧曉難收
牆高不使花飛過
却化浮萍出御溝

墨竹

深林不減篔簹谷
亂影都歸丈八溝
最愛長竿如綠玉
何年去上釣魚舟

趙松雪蘭竹圖

鷗波亭上春風筆
秀色翛然共一丘
頭白江南真想見
幽蘭叢竹帶桑洲

爲奎姪題石田雪景

瑤林依石斷雲攢
雪後西山更好看
憶向越來溪上過
梅灣玉削數峰寒

題陳季昭畫

金昌亭側舊樓居
索畫人來坐不虛
誰信高年筆猶健
案頭臨畫似臨書

陸代詩選

明吳原傳

次集卷五十二

三十三

六

題王浚之畫茅山圖

句容古縣頻來往萬轉荒溪出亂松
畫裏茅山依舊在白雲開處見三峰

雪寒探梅

新年京國競繁華東巷深居自一家
春到不如吳下晚石湖詩裏探梅花

夏日園中小適二首

藤蔓紅稀棗葉青欲逝新暑只登亭
夕陽西去清陰滿閒向籬根拾鶴翎

荷錢初放亂浮萍却有新條結翠屏
幾日小窗無雨到莫斟池水入花瓶

名十一代詩選

明次集卷五十二

詩選

明次集

卷五十二

二百

石倉十二代詩選

明次集卷五十三

南峰遺稿

大明

吳縣楊循吉著
後學曹學佺閱

黃河阻風有作

風乃天之威可有不可弄如何兩晝夜赫赫操
柄用小舟亦何力乃欲當鼓動况在四野間號
怒聲亦縱蓬苦盡翻飛撈摘疲僕從客子不敢
起卧久筋骨痛衾裯冷如澗雙脚盡僵凍早炊
告將及乏米自探瓮幸有文字携曾不廢吟誦

歷代詩選 明倫彙編 三百六
晴明坐可待日影來隙縫人居忘道途于茲復
淹壅因憶向所經一一皆成夢

抄書

沈疾已在躬嗜書猶不廢每聞有奇籍多方必
圖致手錄畏辛勤數紙還投棄買人供所好恒
輟衣食費往來遶案行點畫勞指視成編亦艱
難把玩自珍貴家人怪何用推却從散離亦蒙
朋友笑既宦安用是自知身有病不作長久計
偏好固莫捐聊爾從吾意有子雖二人未知誰

這我但要披閱豈復思後世逢愚聚亦散賢
能添置區區慮遠心何其錯爲地不如供目
前開卷有真味

題書厨上

吾家本市人南濠居百年自我始爲士家無一
簡編辛勤十餘載購求心頗專小者雖未備大
者亦略全經史及子集無非前古傳一一紅紙
襲辛苦手自穿當怒讀則喜當病讀則痊恃此
用爲命縱橫堆滿前當時作書者非聖必大賢

歷代詩選 明抄本 卷二 三百六
豈待開卷看撫弄亦欣然柰何家人愚心惟財
貨偏墮地不肯拾壞爛誰與憐盡吾一生已死
不畱一篇朋友有讀者悉當相奉捐勝遇不肖
兒持去將鬻錢

詠陽山雲泉菴大石奉和諸公同遊聯句

之作

偉哉此陽山有石俟歌誦形將冰塊截勢與蓮
花共仰觀一何高登陟不可鞞鳥飛必徊翔雲
出自騰滄孤圓外成嶠空朗中含洞瘦如辟穀

良清若食蚓仲深思殆天設乍至令人恐濃蘿
作垂陰寒泉滴爲凍戴菴亦顛危携觴更交綜
耳勝或駢攢勒拳時獨送巍巍上少仝森森下
多從荒厓始誰開倒樹諒非種在茲三吳間當
以九鼎重崇巖借冠冕卑巒聽捉控勞呼猿固
匿被壓松堪訟曲躬始得門側身還入街拂苔
劣容眠收乳兼資用志猶記秦餘材遏遺禹貢
立久氣濕袍嘯高聲答瓮論年越殷周言時晦
唐宋一爲佛者居永作遊人奉病宜謚著史寐

稱搏養豕四方傳不誣諸公評切中臨谷足還
酸乘巔目偏縱支頤詎厭看極日難竭諷鬼鑿
手須胼鯨負背應痛東岱徒小魯西華繆推雍
懸磬風燄明香爐煙結供曝沙伏靈龜食岡停
遠鳳是知隆拔羣所貴秀合衆倫餘殿容棖就
隙亭閣棟枯藤蔓穿窾長蛇舌撩縫輕盈受指
彈玲瓏脫泥壅芾拜本無忝羽撼爭得動栽培
稀尺閒構架靡寸空炎伏涼自生清秋月堪弄
林深必賴燭嵐酷能作躡星光猶立芒龍吟殊
叶磳嶺獅馴以賓阜獰敢與閔久嗟隔勝賞
勞落清夢卽欲營終棲其柰懷微俸

靈谷會宿次韻

靈谷古名剎四圍山成翠梁人之所建唐碑猶
未毀入門青松密綠徑野花媚清居特幽深竒
境自零碎無泉不濟渴有石可眠醉茲遊時日
良在會賢豪備溪漁薦肥鮮野果羅其脆縱橫
鞍在馬掩映袍明雉喧喧笑語冷袞袞酬酢亟
惟彼官坐衙有若賈居肆苟非自抽拔終當老

關閉孤忠林員外大魁儲主事周公以鄉集余
子用隣至誰知四海望乃今日萃名爲問疾
病實則尋遊戲高步履聲遲雄辯詞鋒利興實
入雲鴻才捷追風驥天涼秋可坐月皎夜不寤
主人雖好客難免紙筆費

詠蓮房

白露褪紅衣亭亭挺寒碧污泥乍相辭衆果何
敢敵倒持若覆杯平放如架幘折莖脆連絲啖
實茸流液味帶胡波鮮態合溪雨側蜂巢開戶

牖蠶鬪謝泚泚債兮笑鷹多駢甬釘頭積誰非
心獨苦却訝紋常裝樽前憶吳歌老去傷國色
何慚登鼎俎自可利胸膈截來馬蹄圓剗出魚
眼赤謫仙號猶存濂溪愛非假奴視粟與黎句
賞主爲客時新想南濠土產誇東溲水神怒擊
拳溪女采畱跡感子遺瑤瓊深情在鄉邑

石假山

何哉竒復竒聚此照眼碧玲瓏千百竅突兀八
九尺中居獨尊嚴傍擁互扶掖猊雄怒張吻馬

瘦高見脊枯藤絡巖生老檜鑽崖坼網湖水獻
寶斧山雲失宅飛來鷺峰峩推開劔門割狎觀
常解帶肅拜或呼幘勢掩肺腑層形標拳臂隻
浪淘猶見紋虎爪仍存跡朝惟講僧坐夜乏將
軍射三槎非可參一拳茲乃積風雷蓄深杏花
草栽狼籍磨堪鏡功名眠可携被席曲折畫手
知巧妙詩家得陟磴披翠篁臨池扣金鯽林泉
釣初心漁樵盟舊癖空支九節杖莫縱千仞屐
窗窺雖眇小意賞同弘碩幸忝司郡人寧愁竊

中夕

都下夜集對雨

高筵啓秋雨頓爾淨餘燄階前渠溜走燈下簷
花落蕭蕭贊歸懷潺潺亂歡譁來同銜枚陣響
失巡更柝積陰已連朝浮潤先微昨塵消日俱
清風生窗盡廓卑棲雞白鳴餓勒馬方嚼滴成
旅况愁罰遣吟筆閣一笑紀新詩趨朝明又各
送楚巖往支硎山
昔有支公者曾爲此山客至今石磴上猶存馬

歸迹寒泉出，傍澗散漫流。不息何人作，大字筆勢甚奇特。巖巖圓通殿，飛構爛金碧。春來香火盛，傾城出遊適。施錢日滿鉢，來往恒絡繹。世人競刀錐于此，乃不惜我當少年時。一歲嘗一卽提携隨父兄，娛覽常至夕。別來已幾時，何啻十年隔。此山是名山，先從晉時闢。非有高行僧，何堪主其席。今師遂當往，遠續前人蹟。我今何以贈小謁，聊塞責切煩。大士前我爲啓胸臆，慧眼無不觀。是物皆潤澤，如何不見我。因此塵俗役

願垂楊枝露，灑我一點滴。不願官祿高，不求財寶積。但願塵勞中，早脫奔走厄。無災復無難，居家作禪伯。保此清淨心，永離種種色。與師結晚交，來著登山屐。

淨公住東隱

山水誰不愛，顧乏能遊人。澗中本多勝，石秀而泉淳。向者雖一到，終是居官身。抱官遊山水，味自不相親。今子遂當往，我亦解朝紳。相從巖谷裏，以子爲依因。子將舊草履，我有新葛巾。滴泉

與片石務搜天所珍

殘雪

殘雪經時久常聞簷溜聲
謂晴階又濕疑雨日
還明地背融偏後宵寒凍復成
不妨留尺寸借爾照書楹

旦公住寶積寺

古寺石湖邊為僧今幾年
開堂小遊戲出世大
因緣生死一夢耳江山常熾然
遙知末句子不肯向人傳

鄂首座還山

病中承數過清話一爐香對食同
甘菜忘形不下床
壁間懸笠破門外倚藤方惆悵
明朝別何人訪寂鄉

巖長老歸寶積

黃蘆寶種寺創自鏡禪師
佛殿已百歲僧房今
六枝洞房山出牖笠澤水通池
他日吾將到來題壁上詩

除夜雜咏

歷代詩選 明本天誥
歲除當此夜灑掃事匆匆井上皆封草門前盡
畫弓祠堂神影挂客座佛筵崇撒豆祈兒疾存
炊忌釜空辟瘟燒术煖承俗燎柴紅啓篋新衣
振除庭舊室攻買錫迎竈帝酌水祀牀公春帖
題鄉窳年書誦學童插籩皆拍葉戲火有梨筒
殘曆收年盡深缸洗臍終市闌驕物貴隣里饋
糕通未識他州節於斯異與同

元已見過

黍作城南酒主人盤殮雖少意偏真中年流落
堪垂淚荒里經過每借春久伏海鄉諸念息一
逢朝士偶聞新興懷及此能無感當念休嫌歎
息頻

見白髮

料應白髮有來時三十登頭似未宜愁已生根
從汝摘老先呈態要人知莫勞曉日梳千下終
見秋霜起一絲若道只因詩故白隣翁元不會
吟詩

果前堂南歸

歷代詩選

明易吉謙

次集卷五三

九

卷

雲水飄然一老僧頭顱種種貌稜稜人間正果
俗將滿海內名山遇卽登向外見來終不實從
前學得是無能此歸莫向舟中結且卧隨身七
尺藤

東昌贈朝用同年

雪晴相訪滿階泥流水淙淙總入溪名黍同年
雖幸甚會從開牘已難齊杯盤簡儉情偏厚器
局深沈語益低一夜東昌城下泊歸心非緩爲
君羈

寄賀故人新受河間學職

別君無幾聞君選知在河間作教官花遶郡城
皆茨藕味多鄉物是魚鰻在京故舊通書易按
部台司責禮難請得俸糧休別用多抄經籍老
來看

新治小軒成

費將心力治齋居細竹移來葉尚疎雪白矚光
鋪榻眼鴉青布色染簾裾規模別出經營外景
物新呈勝沒餘髹壁正妨童穉汚粉牆還待友

歷代詩選 明核考詩
朋書今宵纔是題詩起此席方爲讌客初前郭
後村無曠地相過莫訝少寬舒

滴露菊

花露秋香滿紫苔芳根重見一枝開何當移取
金莖去雲表和將玉屑來

錦雲紅

僊娥雲錦織鴛機吹落花瓣欲飛畱在山家
無客處容教玉女剪春衣

賽西施

越國佳人天下奇此花尤更美丰姿當時若使
吳王見肯醉芙蓉太液池

白西施

膩粉脂容玉雪膚花神瑩白羨吳姬秋風素魄
東籬下不逐鴟夷泛五湖

醉楊妃

一枝無力倚娉婷曾記真妃酒未醒不道沈香
亭畔寵秋風籬落易飄零

孩兒菊

歷代詩選

月陽書兼

次集卷五三

十一

西

軟玉肌膚膩粉姿。啼痕彷彿露香垂。一枝低卧
苔煙上。似向花房壓被時。

勝黃金

中黃一氣稟坤宮。苑北園南色更濃。總使秋陽
如烈火。肯隨朝露便消融。

玉錢菊

不隨九府鑄青銅。刻玉雕瓊巧用工。憶共花鈿
零落後。至今狼籍怨秋風。

寒菊

金葉熒煌翠葉圓。移栽花屋最宜看。一冬
深深閉。留待秋香到歲寒。

黃牡丹

京洛豪華迹已陳。姚家春色對何人。于今寂莫
東離畔。又作黃花十度新。

小金蓮

黃金小朶爛光輝。曾近雕闌照繡衣。幾度醉看
花上月。絕勝宮燭夜深歸。

白荔枝

歷代詩選 明本卷之三 二百零
娉得嬌如十八娘。肥膚清潤雪生香。阿環此日
能相見。憶却金盤玉露漿。

玉菡萏

分得瑤池種最奇。半含香露尚開遲。風清月白
東籬畔。猶憶江邊欲墮時。

紫丁香

番舶何人得種來。紫尖香藥果奇哉。春風枝上
相思恨。結到秋深尚未開。

玉兔華

廣寒玉兔落陰精。秀結秋風一種青。却笑風露
憔悴死。虛勞搗藥濟長生。

鴛鴦菊

華朋魂魄舊風流。結就花枝也並頭。千載未消
連理恨。尚畱殘蝶戀深秋。

鶴翎白

何處仙胎脫縞衣。傲霜枝上弄清輝。可憐不得
青田夢。幾度臨風祇欲飛。

剪鵝翎

歷代詩選

月易吉兼

次集卷五三

七

丙

鵬鴉霜毫蛻滿池天工碎剪上花枝折來插在
烏紗畔絕勝春蛾點髮絲

麝香黃

誰向西風剖麝香餘芳濃染露華黃秋光老圃
無人識石竹叢叢蔓草荒

鶯羽黃

流鶯春夢落東籬金縷衣裳憶舊時五柳門前
飛不去羽毛零露作花枝

疊雪羅

宮衣朝賜雪生香團扇春風日正長此際看
還舊色重陽錯認是端陽

僧鞋菊

鳧鳥當年巧製裁曾隨老衲步雲臺逃禪誤落
東籬下化作霜花九月開

銷金菊

誰抹泥金上絳綃要將花蕊鬪春嬌
党家帳裏清歌歇一點餘香尚未消

金鈴菊

歷代詩選

月揚君謙

次集卷五三

十四

黃宮小朵綴金鈴。風動花枝似有聲。曾憶絳羅幃幄底。飛來山鳥亦相驚。

玉連環

雕瓊刻玉闕玲瓏。奇巧分明出化工。都作連環鈎結相。不教花片逐春風。

蠟瓣紅

燁燁丹葩滴露濃。蜜脾光暖惹遊蜂。花神恐怕偷香去。故把芳心絳蠟封。

紫霞杯

臨風翠袖立徘徊。似捧流霞漱澀杯。却憶當年

陶令宅。花前幾度玉山頽。

百花菴主見訪

一春高卧只垂簾。說着浮名病又添。聞道百花菴可住。他時容我讀華嚴。

石倉十二代詩選

明次集卷五十三 終

詩選

月易詩集

次集卷五十三

七

古今詩選 明抄本

三五

蕃河卦卦卸容對賣華号

一春高悵只垂簾翁養乳各詠又飛聞數百林

百林蕃主貝詩

固今宇芥前幾與王山蘇一

湖風翠峽立捲臥以林飛翳熈鐵林快意當平

石倉十二代詩選

明次集卷五十四

海釣遺風

大明

山海衛蕭 顯著

後學曹學佺閱

舟中寄答諸相知先生

傷離懷故人無由一縮地和得相思詞殷勤附
驛使詞中何所云交好情難昧落日動客愁臨
風起遐思棹驚白鳥翻呀轉青山厠隔水有煙
蘿搖搖見蒼翠數日計行期流光若飛騎丈夫
不家食到處聊適意况有臨分語矢言遵所示

歷代詩選

明詩文月

次集卷五四

一

郭西

即事

遙憶江南景寒梅冬著花上元柑飽穀穀雨茗
收芽此日聞邊雁迴風帶暮鴉歸山不輕出淨
寂似僧家

鎮東樓同陳司馬飲

登賞因逃暑吟哦幸遇君雨餘山水漲風細野
芳芬近渚鷗尋侶排空雁逐羣庾公千載後高
興許誰分

種竹

種竹西涯滿清風日在君故根依淨土新葉拂
晴雲簇簇龍孫長脩脩鳳吹聞我行頻欲過藉
此避塵埃

遊晉定寺次方伯周子建韻

坐閱殘經久興亡一夢中方塘澄水月曲澗響
松風禪悟三乘妙心虛萬法空我來幽興發吟
對晚霞紅

送鄭侍御坐失儀外補

十年持豸斧到處即聲馳病骨峻層日天威戰

歷代詩選 卷之五 二
三十五
慄時朝叅元自重聖澤本無涯暫借親民瘼無
煩歎別離

蔭秀亭

愛此園林好憑高眼界餘鯨聲吞海濶鶴迹印
沙虛午餉炊農飯晨興課子書天機自流動何
必詠鳶魚

圍春庄山居

過山庄便是十里路非遙白鶴鳴孤嶂清聲徹
九霄海翁閒弄釣野水暗通橋明月清風侶來

時不用邀

送劉信之分教雲陽

官漏催殘欲曙天儒官辭闕向西川過家白髮
憐親老分教青衿得士賢舟出九江春見雁道
經三峽曉聞鶉吾鄉自昔多才俊師席聲華到
日邊

謁陵

百辭丹陛謁皇陵十里橋前盡却乘國祚萬年
綿大統鼎湖千載憶遐升更催玉漏猶殘滴班

歷代詩選

卷之五

次集卷五四

三

仁

歷代詩選 卷之四 三十一
列丹霄最上層祀事已終歸去急擬陳哀頌愧
非能

邀李西涯遊城西寺

曉日聯鑣出帝州西園名勝共君遊看花已覺
今非昨觀稼還知歲有秋果雜冰盤高樹下酒
分磁甕小橋頭投壺對奕心俱適忘却人間別
有愁

次王守備韻

草亭新構絕塵侵雅稱將軍逸樂心能以文謨
資武畧頗令城市有山林秋清撫景詩頗詠公
暇娛情酒謾斟晚節更憐叢菊在西風吹綻滿
籬金

將至清泉懷諸相知

朱函寶冊下堯廷千里兼程水陸經避節塵氛
天外靜對船山色雨中青源泉去我餘三日瀚
海何人識二星尚憶昔年遊賞處一杯曾共醉
林垆

題竹

歷代詩選

月齋文月

次集卷五四

四

仁

此地重逢挺節筠清風瀟灑最怡神十年濶別
渾如舊竟日相看不厭頻采采鳳鸞鳴盛世珊
瑚環珮下嚴宸歲寒有約期無負遲暮林間定
可親

示子孫

尋常拂拭舊琴星心賞音諧手未停郭外探春
花欲發庭前欺雪竹還青風回海釣機心息月
上山窗塵夢醒曉起教兒讀周易客來休問太
玄經

圍春莊雜感

三十年來涉宦途乞歸華髮半頭顱依山結屋
塵偏靜臨水觀魚興不孤野老崎嶇尋橡實林
僧談笑斷松腴離家幾作還家夢一夜團藥肉
骨俱

其二

六十九翁過洞仙杖藜渾不憚躋攀琴書携取
消晴晝水石憑將慰老顏閒把綸竿清瀨處醉
眠茅屋白雲間有時徙倚闌干立日斷孤鴻天

歷代詩選
外還

南海

入夜潮聲十里聞，氣連霄漢自氤氳。
舟航吳越長風便，襟帶幽燕孔道分。
蛟在室中吞怪物，蜃成樓處見妖氛。
有時三島開晴霽，彷彿羣仙擁絳雲。

鎮東樓

城上危樓控朔庭，百蠻朝貢往來經。
八窗虛敞堪延月，重檻高寒可摘星。
風鼓怒濤驚海怪，雷

轟幽谷泣山靈。幾回浩笑掀髯坐，羞笛一聲天

外聽

述事用唐人早朝詩韻

春期已盡曉猶寒，吟徧羣峰獨倚欄。
桃種豈殊仙子宅，松封曾號大夫官。
日長人靜門重掩，雨過苔深徑不乾。
愛此山林真有癖，早投簪紱未曾難。

士常席上送乃兄士儀

東樓杯酒惜離羣，柳色春光日未分。
姜被劇談

思代詩選 明肅文 九
中夜雨祖鞭遙指出關雲山城朔雁聯翩起野
店昏雞遠近聞邂逅別來相憶地醉歌終日任
熏熏

卽席贈士常

病後休聞久廢詩強開涓滴共相知也堪筋力
逢春健不爲盤飧竟日辭庭雀脫籠舒倦翼轍
鱗驚雨振枯鬢相看各有飛揚志
解吳鉤贈
別離

卽席懷鳴治

足流不見謝臨川俊逸空慚李謫仙得句向人
誰可否論交于世幾方圓小車望斷幽花外短
屐行來古樹邊落日在庭猶擁篲不勝春思滿
離筵

元基席上再送士儀

離席因君薦木桃碧釭新酒瀉春濤詩盟遞結
東西社坐客平分上下曹簾動午風花氣暖几
當晴日篆煙高狂歌亦是驪駒曲三疊陽關意
未豪

遊廣恩寺

五粒松間一草亭四窗虛敞不須扃乾坤著此
容吾到江海逢人笑我醒寥落東林修淨社摩
挲華表蝕殘銘杏花滿地飄紅雪到手深杯莫
放停

其二

慣客山童說果名又將幽事惱春情杏林百匝
尋竒句竹院三回說舊盟酒甕倒傾香不斷花
枝頓折意還生林鳩喚雨催行急敢爲田家惜

比聲

遊慈恩寺二首

十年曾記此中遊今日重來未白頭楊柳柴門
孤犬吠枯棹蔬圃一泉流行携野酌隨陰坐醉
聽溪童隔水謳城市絕憐丘壑地不須更問五
湖秋

海水周遭寺若浮忽驚人世有滄洲塔鈴晝語
諸天近石藉涼生五月秋鶴避茶煙歸別院燕
衝花雨度重樓酒酣不盡登臨興擊節聊爲馬

上謳

永光寺送大叅周子建

春風將解潞河水把酒分岐意未能山寺有僧
留夜榻野航無伴對寒燈江南芳草隨人綠海
上遙山隔樹層踏徧中原今萬里五雲高處看
飛騰

端溪研

千年山骨漱江流誰鑿端溪一片秋清潤每疑
含宿霧澄泓長似注寒湫玉堂有客憑揮翰油
幕何人待運籌因意通家王太史併將珠玉爲
君投

聽雨亭聯句

只尺知心念久違玉堂空負小盆池鳴階雨驟
留窗霽隔院香清許座移爲惜殘紅還擁蓋不
須浮白已成詩明年此會應無阻珍重高軒再
過之

晚榆堂聯句

吉日鳩工兆墨新旌麾忽過擁比隣敢云慶澤

歷代詩選 明嘉文 九
流來遠莫厭公餘到此頻采采鳳鸞能接武飛
飛燕雀故依人吾家孫子休言隘玉宇瓊樓一
樣春

東樓聯句

扁池老肘揮采翰點綴深慚墨與丹妙到鍾王
真未易飲兼文字古猶難谿雲過檻蛟龍近海
宇當樓眼界寬一曲清歌時送酒倩誰移入畫
圖看

過君山

萬丈水晶宮一點青螺濕雲暗鼎龍歸竹隨湖
女泣

老松

材大難爲用誰將此老悲空山獨高潔不怕雪
霜欺

小景雜咏

木脫青山下亭開翠水涯孤舟蕩雙槳何處訪
相知

碧樹俯清流高人愛獨坐讀罷發長吟不知斜

日墮

春思日無涯春園景最賒蜻蜒綠底事飛上海棠花

送劉令次陸鼎儀韻

黃金臺上暮雲層惆悵無媒欠一登暫歛聲光歸舊洞綠蘿陰底看陽冰

圍春堂雜興

數椽茅屋薜蘿深卧聽樵歌自遠林罷却琴書閒却釣不知何處有機心

采采黃花滿徑深蕭蕭紅葉滿秋林無端此日相思處千里書來一寸心

墨香亭

白雲司遠望中深瑟瑟秋風奏晚林惆悵關門吟賞處滿籬黃菊故人心

題鄭時暉繡衣畫梅和張東海武選韻

清夜珊珊響珮瑤羅浮夢斷酒初消美人何處遊仙去獨有遺容傍野橋

遊武夷九曲和朱公先正韻

九曲仙蹤護百靈
仙童時弄玉簫清
輕搖畫舫尋真去
時聽飛泉漱玉聲

晴日曛曛薄暮開
九灣新漲碧澗回
山靈莫道茲遊晚
還許春風鼓柁來

蕭顯字文明山海衛人
成化壬辰進士授兵
科給事中有武臣連中
貴張大邊功欲邀厚
賞公取其奏批駁之直
聲大振又上疏陳時
弊斥神奸左道語尤激
切一旦忽命中貴召至
左順門面詰之公隨事
應答語意詳明

乃蒙慰遣在職八年
內旨傳陞外任所司

擬隴州同知不報仍與
遠地旋改鎮寧

孝宗紀年量移衢州府
同知晉福建按察司僉
事致仕歸築圍春山堂
以吟詠自適徐穆爲之
記年七十八而終公初
號履朴晚乃更爲

海鈞云

附賀欽 字克恭廣寧衛人

戲贈友人張解州

平生少陵詩先生嗜之
極方其得意時寧知有

六籍吟哦固所愛。句語肯輕擲。未合此格調。終年不下筆。章成特示人。蒼古多弗識。朋儕無賞奇。撫簡自歎息。懲此謝詩壇。酒量空無敵。我言揚子雲。太玄終不匿。今晦後應顯。勸君無固必。

自警

我生幸為儒者流。放心日夜胡能收。聖域不遠去千里。我田既荒安有秋。適國迷途不知返。作室無基良可憂。年過半百尚如此。轉眼光陰成白頭。

偶成

凌之澣兮一竿竹。水洋洋兮山矗矗。青瑣歸來三十秋。閒雲野鳥相追逐。日長午困憇茅軒。聲利無關心自足。終身得此復何求。一任書香兒輩續。

和答董桂岩同年

謝病歸來已十霜。閒中養就野夫狂。每尋瑤草和成藥。自剪青荷製作裳。幾曲枯桐秋月白。一竿脩竹暮煙蒼。鏡湖原是吾家水。還擬扁舟泛

渺茫

述懷

壯歲辭青瑣還山坐白雲天時看代謝世事斷
知聞菽水奉慈母詩書教後昆未能忘鄙陋嘗
獻野人芹

讀書

清晨起坐小茅堂萬事無關一炷香展卷細觀
前聖奧馳名敢學世人狂也知老病年光促爭
奈詩書意味長但願桑榆粗有得肯隨流俗歎

斜陽

和番易守愚丘先生韻

聲到沈疴幸已瘳煙霞痼疾豈須憂非關避世
矜高節自是庄時乏遠馱瑣闥兩年空竊祿雲
山十載免包羞管寧本是遼東客不願重過五
鳳樓

古澄丁聲遠來訪賦一律見遺因和二首

大學陳東天下知抗章不怕忤當時折腰彭澤
成何事回首閩山有所思軒外孤松全晚節宅

歷代詩選

明賢克恭

次集卷五四

十四

邊五柳散春絲歸來還是忘機客傳語沙鷗莫浪疑

曾見多人說舊知幾人能保歲寒時感君千里來相訪慰我終年病裏思元伯歡呼具雞黍鍾期靜聽鼓鸞絲連牀幾夜無他語析盡羣經有宿疑

寄邵文明大尹

鄉書曾得共推賢金牘題名子更先大尹有才還解組鎖闥無補早歸田利名風浪都無與泉石膏肓獨致偏同在故園不相見閭山遼水只悽然

傳彥明昆仲久客維揚詩以寄之

出人寄語三公子便買歸舟莫更留南國可知春似錦高堂無柰雪盈頭黃金滿載皆由命白手還家豈足羞兄弟師生分非淺詩成四韻淚雙流

與友人宴小莊

瑣闥無堪早退藏衰年幸得病軀康分曹校射



依芳樹對景開樽樂小莊休言席上杯盤惡且
喜壺中歲月長况是吾人俱白首更憂何事不
徜徉

和韻喜陳本仁相訪

昔時與子共談經情分相投北斗城別我十年
身已達聽君一律句尤清幽居忽訝高軒過多
病深慚倒屣迎况遇故人丁大尹連牀同與話
平生

再和番易守愚先生韻

白雲堆裏得安身名利無干遠世塵靜把簡編
窺徃哲恒將菽水奉慈親江山秀麗詩懷壯窗
戶清幽瑟調新幸有此般閒樂事任他人醉五
陵春

溪上茅亭和士詒

釣臺高處小茅堂退士登臨歲月長假寐不爲
黃閣夢無營還笑白雲庄清風明月何須買綠
水青山自可常三十年來無外事此心贏得不
炎涼

題退休卷

五十年來早退休三邊賢達子爲頭題詩每上
春山寺載酒頻登夜月樓釣艇有時江上泛兵
書盡日篋中收常憐李廣非知命抵死何曾到
列侯

偶成

年老睡還少夜長醒更多土床煙火足趺坐默
吟哦

水亭涼

先生坐水亭三伏不知暑多少熱中人安在
閒處

小橋吟

橋下寒塘淨橋邊風物清倚欄閒得句不入俗
人情

花圃

種得四時花終年香不絕有暇輒開樽何必逢
佳節

晴樓

歷代詩選

明賀克恭

次集卷五四

十七

歷代詩選 明倫彙編 家範典 孝行典 卷一百一十五
高樓時一上眼界濶無涯望入遼天去悽然有所思

扇上釣魚圖

江上釣魚翁不識家何處我恨凌溪來安得與君住

又

倚杖看閭山垂綸釣凌水山頭宿霧開水面清風起

題畫

雲湧青山動橋橫碧澗斜幽人無俗事拄杖去看花

人有以命狀呈者書一絕于後

一卧雲山三十年飢殮糲飯渴清泉此生自信能知命莫把行藏更問仙

寄大尹邵文明

長官辭縣賦歸來獨愛幽花手自我何日一樽同笑傲東籬飽看帶霜開

挽同年羅一峰

歷代詩選
二十年同及第數千里外歎離羣誰知竟作
終天訣空對丹青泣暮雲

蕭文明書寄光風大字有作

故人手寫光風字遠託征鴻寄草堂鐵畫銀鈎
且休論高情雅意詎能當

伯初過訪留飲賦詩

退士卧聽傳呼聲驚起倒屣門前迎故人久別
喜會面賦詩酌酒心相傾

人有求薦舉者題其書後

半生榮辱斷知聞遠處茅堂伴白雲何事利名
場裏客却將書札撓幽人

簡鄉親

携壺欲就名園賞借問如今春淺深但得紅芳
飛未盡便來枝下聽鳴禽

題晚菊

豈必滿頭方足樂略教經眼便堪奇如何不對
重陽酒寂莫經旬見此枝

魚磯偶成

歷代詩選

月窟說

次集卷五四

七

十

何人笑我上漁磯本是窮荒一竹枝縱然有節
中無物怪底長江舉釣絲

題萬佛堂壁

雲端石洞可棲身水遶山圍賸得春傳語高僧
休厭客西林曾寓著書人

賞花有跋

落盡羣芳枝已空遊人往往怨東風誰知寂寞
幽園裏猶着楸花一樹紅

賀欽字克恭廣寧後屯衛人成化丙戌進士

授戶科給事中大早上章修德弭災宜以實
心行實政勿事虛文不報因移疾歸少讀書
鑿無間山之光明谷因號鑿間山人公生平
潛心理學與陳白沙羅一峰雅稱同志雖數
千里若一堂焉海內目爲鑿間先生

石倉十二代詩選

明次集卷五十四

歷代詩選

明賀克恭

次集卷五四

二十

十

歷代詩選
三百六十五
去去看月伴落落如辰星今夕復何夕不飲空
自醒夜深涼露下月側窺疎櫺人散天宇濶西
風吹鶴翎

潮州喜雪

潮海本炎方隆冬天反熱豈無百歲人到老不
見雪胡爲癸亥冬朔風偏冷冽臘月念一二雪
片如箒結氣候誰轉移到此方發洩撒鹽安可
擬飛絮亦強說梅花減顏色越犬吠聲切老夫
喜欲狂舞蹈幾失跌匪作兒女態幸爲豐年決

天拍手笑穉子開口齧螟蟲種自斃安得
作華明當大有年禾黍壓丘垤民食旣已足貢
賦自罔缺道路不拾遺外戶何用閉熙熙復皞
皞人和天亦悅對雪賦此詩太平好時節

哭老子

六十得一兒命名曰老子頭大趾亦方眉秀目
頗美唇齒紅且白髮脚垂兩耳肌膚更堅實神
色一秋水憶昔學行時匪跌卽跛倚脚根一有
力疾走竟不止出入有所見歷歷用手指有時

歷代詩選 卷之五 三
率我衣一步一回視及其漸學語小鳥鳴花裏
舌尖澀且艱句句帶渣滓一朝語忽明輕清真
可喜飽熟叫我食天明呼我起客來方揖罷報
我幾倒屣張拱學侍立差可成人比見我看書
時拉取憑小几而也而也誦指字直到底有時
見作書彼則強索紙把筆信糊塗殆若歸鴉比
時或祀先我踉彼亦踉我口方致詞彼口亦
云爾少 夫見乖覺自慶得蘭茝夫何香不永遽
逐蕭艾死 爾死我何堪哭聲徹閭里坐卧欲發

狂動作自委靡有時夢中見血淚流未已

玉山發舟

玉山河水落下岍石齒齒小舟費推移一步如
一里跌坐矮篷下低頭不敢起明日且肩輿從
容看山水

一笑軒爲潮州陸高士作

結軒在東臯而無車馬馳俯仰天地寬何物能
羈縻此中有真趣難與俗子知萬事付一笑何
用勞心思

厓翁亭爲前人作

古厓慕高士駕車到竹林清論正有趣薄言日
西沈子今構斯亭人豈識予心子有無絃琴舍
我誰知音

姑蘇懷古

吳王宮中草芊芊西施今去幾千年胥門江水
流不歇虎丘山色還依然我來江上一懷古前
代興亡難盡數月明獨自倚孤篷疎雨沈沈夜
當年

洋河曲

西風吹洋河北風吹洋河風水相激如鳴珂少
年已有四方志今日果向窮邊過我有千里驥
可以空駱駝我有雙龍劍當爲斬鼉鼉江山風
景自殊異肯把雙淚徒滂沱韓范亦是書生輩
豈必一一親揮戈

通州秋夜與進士馮子佩言別

分館幸比隣情緣道義親可憐今夕酒俱是異
鄉人砧急驚秋老窗虛見月新人生不百歲况

乃別離頻

送同寅楊秀夫使涼州

使節指涼州都門八月秋風沙迷塞雁刁斗接
邊樓料理君餘事憑陵虜伐謀歸朝告天子功
業鼎彝收

書懷

客中羞對鏡老去動悲驚白髮雖公道流光也
薄情名虛何足尚命拙不須評無恨心頭事良
工寫不成

端午請賴益謙不至詩以扣之

異國萍逢跡憐君寄栢林風光端午日故舊百
年心盃泛菖蒲玉盤堆角黍金問君何故者只
尺不相尋

次赤城奉寄諸寅長

驅馳窮北地却是極南人自誓勞王事誰能顧
此身風沙時帶惡醜虜日爲隣若問歸時候長
安三月春

同寅李獻吉西齋落成次韻

清論西軒裏相忘白晝長鳥聲隨樹轉燕口帶
泥香酒盡詩留壁窗虛月滿牀君家好兄弟何
地不傳芳

送節推曾良忠之蒼梧

天涯岐路別何處是蒼梧梅嶺蠻煙淨藤江月
色孤獄清閑狴犴波靜息天吳莫歎炎方遠乾
坤亦版圖

挽卷為古田鄭先生作

萬里天涯客歸奔亦可憐摩挲新淚眼指點舊

山川狐兔眠孤塚音容隔九泉如何江樹上夜
夜有啼鵲

舟中偶成

客途逢四月歸艇破江煙行柳青隨路孤蟾白
滿川滄波雙眼裏往事一燈前愛酒酬佳節囊
中少俸錢

春日飲李壽州家席上作

春日開春酒主賓共酌之三人俱老境一會是
佳期明歲知誰健浮生亦可悲此時如不飲桃

歷代詩選

明葉廷圭

九

方五

李笑人痴

金臺送賴公弼之臨桂

倒盡江頭碧玉卮醉來旋賦送行詩蘇湖事業歸能者臨桂生徒得奸師吾道自知如此重儒官誰謂果然卑鄉情正與離情合况值西風九月時

挽三山強克謙太守

瓜州人去馬蕭蕭計到金臺淚欲飄銅虎有符猶未合玉樓無記却先招典刑缺失鄉邦瘁賢

李淵零士氣消老眼摩挲向南望海天空濶正

參參

酬伍時清過譽小兒

五色湘雲半幅裁塵襟病眼一時開情如江上初生水清逼窗前旋放梅老拙愧無經世學豚兒安有過人才昨宵賴得東風力吹醒寒爐欲死灰

太平別業為楊恒叔乃尊題

萬樹甘棠手自栽拂衣高卧故山隈白雲深護

歷代詩選

明葉廷圭

次集卷五五

二

八

三間屋小徑斜通幾樹梅花下看書紅點句月中呼酒白浮杯城東車馬多如許誰解飄然到此來

京中送舉人劉汝敬省母

轉眼南宮較藝時匆匆何事負佳期芙蓉不怨
開花晚烏鳥寧忘反哺私淚被天風吹作雨愁
因柳路織成絲我心亦似君心切况在天涯賦
此詩

次楊恒叔無題原倡倒用李商隱韻

雨翻雲少定踪寸心空繫景陽鐘只緣路有
雲霄隔豈是天無雨露濃秋水簾深浮翡翠西
屏帳小冷芙蓉可憐半夜相思夢不到君門第
九重

桐廬會鄉同年陳大尹

同榜題名二十年東西踪跡兩茫然桐江幸與
先生會花縣爭傳大尹賢豺虎聞風咸斂迹荒
蕪得雨盡成田朝家正有旌賢詔薦疏行看到
日邊

送吾閩薛助教移官南監養母

萬里慈闈江水南孤兒雲望思何堪官居國學
曾無幾疏述烏情已再三紫陌風埃歸裏淨白
魚春浪夢中甘不知溫趙何爲者地下聞風也
合慚

揚州贈別薛助教先生

千里同舟一月寬維揚此別兩情難蓬窗曠日
不相見杯酒今朝休放乾綵服羨君堂下舞白
雲嗟我客邊看鍾山山色濃如許盡屬清湖白

在官

建寧滕侍御招遊南郭草亭

舟繫西城河岍側人遊南郭草亭中歌聲到耳
鳥呼雨春色過橋花逐風命酒賦詩良會合憂
君愛國此心同清時莫作巢由計早策花間御
史聽

重遊東華

山色層層翠欲流乘風獨上萬峰頭花當二月
已如此人過十年纔一遊地僻便知爲太古民

淳還幸際西周怪來眼界無留礙北望長安是
帝州

謝南雄林太守郊餞

先生餞我七松堂風送松花入酒觴四海幸逢
真骨肉百蠻應識遠冠裳歌成喜有清風在醉
後何妨古道長欲謝次公慚不盡便須揮翰寫
甘棠

次萬全右衛察院題壁

見說立春三日了春光不見半分來黃沙磧裏

風猶冷青柳梢頭眼未開舊事每于心上簡新
詩旋向筆端裁行行又記江南好春酒初醒喚
野梅

次李家庄

雲州東下李家庄草色遙連日色黃千里風沙
凋客鬢一天刁斗碎人腸羯胡馬健多侵擾守
將謀疎少奮揚傳語朔方大元帥好將忠勇激
戎行

使天津舟中謾興

嫋嫋東風入鬢絲
奚奴隨處可收詩
江山好景誰爭得
花鳥深愁我獨知
老去不須營世計
病來祇合問良醫
俸錢買得溪翁酒
醉倒蓬窗也未知

通州重九日送何德彰回部馬上口占

離觴擲下馬頭回
猶有殘醺映老腮
門向夕陽多半掩
菊當佳節已全開
送人每怕搜詩句
排悶應難費酒杯
明歲今朝我何處
不堪搔首一興哀

通州會汴梁和舉子人于李獻吉官舍

鳩字韻

天涯何幸識荊州
高興真同汗漫遊
滿甕松花春釀酒
一簾燈火夜登樓
吟肩矻矻詩攻瘦
花影沈沈月上稠
回首古今俱是夢
笑他機巧不如鳩

次韻遊寶通寺

詰朝載酒寶通寺
食盒春檠但小裝
千里春風傷鬢雪
十年塵夢愧松篁
綠陰屈指無三月
白

日題詩共一堂醉後浩歌還起舞不妨人笑老夫狂

獻吉席上分韻得銀字

民曹水部兩同心總是斯文異姓親百歲幾遭
文子飲一官深厭簿書塵風翻槐影簾紋碎雨
洗苔斑石縫新笑殺坐中誰更老古厓雙鬢半
如銀

獻吉官舍夜餞左國璣聯句送之


高館深杯賦別詩小窗微雨夜燈時對牀骨肉

應憐老喬木家聲更屬誰綠柳曉分燕趙路碧
梧秋待鳳皇枝鄉書有雁還須寄記取樽前兩
故知

偕獻吉自京回通馬上聯句

靄靄林光雨霽初乾坤着眼一塵無歸雲渡水
春涵影醉面便風曉出都乳燕教雛嬌欲墮遠
山當馬翠如扶十年來去通州路慚愧山間破
衲徒

舟中寄李獻吉



美人愛我慙且直我愛美人才出羣團亭把手
議政事西齋剪燭論詩文割雞呼酒對山月
鼓放舟看水雲百年知己那復得海角天涯遙
憶君

題雙忠祠

張許祠堂何處是大忠西畔郭門東自從孤壘
支強虜誰不低頭拜下風身死唐家當日節力
扶元氣萬年功不須再讀前朝史詩筆年來仗
至公

春日寫懷與陸高士

茅菴竹徑未相尋忽忽殘紅又綠陰處世浪爲
千歲計看花深負一春心只緣未悟藏蕉鹿豈
是慳揮當酒金自笑山林緣分薄幾番翹首付
長吟

潮州寄致仕雷大尹

兩年分手各西東咫尺天涯萬里同有酒也孤
秋月白無詩空對夜燈紅簿書俗吏塵埃裏恬
退高人畎畝中我愛西山亭子好也應相伴醉

東風

次莆田陳先生韻

半是池亭半釣臺
人襟抱灑然開
知還倦鳥投林去
適意潛魚入渚來
數畝石田堪種稻
半山茅地也生材
與來自有天成句
不用工夫細剪裁

次韻復潮陽柯二守

麾出潮州四五秋
不才無補合歸休
西山別業雲千頃
浮世流光歲一周
天地有情容我老
海

山無分伴君遊韓
祠歲月憑誰記
讀到新詩淚欲流

雨中端午有感次伍天錫韻

采蒲搴艾兩休休
五月天時似早秋
白石有人呼節酒
汨羅無客棹孤舟
浮雲蔽日山川暗
淫雨漫天草木愁
對節感時心不了
幾番回首愧沙鷗

漫書

病裏思前事
分明一夢中
而今知是夢
却恨已

次集卷五五

次集卷五五

成翁

風花

惡風吹好花花猶抱故枝畢竟被吹落還有重
開時

雜興

眼前風景不須賒月色平分入我家最是可人
清絕處一枝梅影上窗紗

閨怨

小窗睡起覺衣鬆怪底幽情似酒濃立盡斜陽

人不見目隨征雁到迴峰

爲人題便面

杖藜信步過橋東幾片飛花隔柳紅指點前頭
更清致遙山一抹淡煙中

曲江孔先生招飲

十年不見先生面目斷嶺南山萬重今日曲江
江上見不妨樽酒對芙蓉

弘治六年九月本部奏差宣府沿邊清理

草束重九日出京次榆河驛

皇華使節駐榆河下馬令人感慨多
獨坐夜窗
渾不寐一鈎明月挂煙蘿

次鷄鳴驛見菊

傳舍清幽地步寬
晨炊未熟且凭欄
秋花不改真顏色
留待天朝使者看

次龍門衛

龍門關外龍門衛
元是紛紛狡兔場
今日草枯胡馬瘦
將軍穩卧綠沈鎗

馬營日暖

愛日當空暖氣回
與君金馬笑顏開
如何萬里龍沙積
轉得南方氣候來

獨石道中遇雪

歷徧窮邊萬仞山
南人底耐北風寒
雪花似與人相識
故故飛來撲馬鞍

次高郵湖

湖水漫漫無畔岼
風波日日有人行
輸他林下幽棲客
閒看梅花破雪清

漁家樂

天竺寺

月集卷五五

十六

二百六

歷代詩選 明 郭 二
蒿笋芽長魚正肥漁郎搖櫂賣魚歸得錢便買
溪翁酒醉卧蓬窗自落暉

李國賓惠茶携至蘭溪烹之甚佳

白石橋邊自摘茶故人持贈意無涯今朝烹入
蘭谿水喜有清風入肺家

揭陽道中

一年一度此行春深愧無恩及埜人也有
一端甚自解滿田清水稻花新

太守行春到揭陽村村男女事耕桑道旁埜老
無拘束笑指官家馬足忙

月夜聞琵琶聲有感

悲悲切切復淒淒况是昭君怨裏詞安得西風
加着力一窗吹送漢宮知

聽鶯

老鳳雖離霄漢中羣聲自是不相同新鶯莫訝
偏饒舌啼到春歸句未工

古厓先生葉元玉成化辛丑進士爲戶部郎
時與李獻吉鄭繼之以文字交出領潮州守

歷代詩選 明葉廷選
強毅舉職中讒而歸潮人以前太守韋菴王
公後古厓葉公爲兩賢云公集李貞夫鄭繼
之俱有序

石倉十二代詩選

石倉十二代詩選

明次集卷五十六

竹田集

大明

長樂林廷選著
後學曹學佺閱

庚子秋予將赴春官友人王朝紀出扇間

梅索題賦以寓別

江南佳實登廟廊托根暫向桃李場包涵元氣
百萬斛散作大地先春香往時卧雪蓬窗底踈
影橫斜上窗紙開窗疑是故人來相思咫尺如
千里一枝曾寄重南金相期不改歲寒心搗來

歷代詩選

月林竹田

次集卷五十六

一

披拂丹霄路倍憶清標與神遇山林聚首重有
期人意花香只如故樽酒花前慰別情翠禽聲
底月三更長安春物遙相待預訂星溪鷗鷺盟
長安步月歌柬同年郭仲升暨林利用利

芳昆仲

辛丑孟秋望前日淫雨開晴月初出玉堂公子
難弟兄見月呼邀話鄉邑郭君有道况同年相
逢逸氣俱飄然劇談愛月不忍散褰衣步近龍
樓前龍樓倚空全受月十二雲梯高突兀散影

長安白玉街流輝漢代黃金闕俄聞玉漏傳初
箭宮柳梢頭月行漸秋風次第折天香嫦娥猶
識書生面相隨遲遲如有情壯心對影還自驚
去秋見月閩山下今宵見月長安城浮生安得
長相遇惟有月明一寰宇他年宦轍各由西見
月還思舊遊處

送寅長劉汝器子景還家

畫舫超宗別黃堂謝鳳愁幾年孫戶閉一旦暮
宮遊棘寺乘龍日京闈擢桂秋捷音須早寄天

濶雁悠悠

除夕寫懷呈邵錫之通守

吏散黃堂靜惟聞爆竹聲一宵寅卯歲兩地別
離情懶怕官常責貧添夢寐清壯吟悲往事知
已費推賡

吳江舟中述懷

放櫂入吳江瞻雲思欲狂親闈雙雪髮宦海一
風檣理郡知無術憂民若有傷微吟笑今古漁
唱起滄浪

舟次錢塘寫懷

高堂違色養薄宦滯功名幾載歸闕夢今朝到
程山環晴見喜濤怒夜聞驚此際倚閭望應
思中路征

哭表兄鄭孔善

未獻河東賦先為泉下行事姑如奉母養弟莫
過兄聞訃千山隔招魂萬古情空階明月夜疑
聽誦詩聲

憩袁州宣風鎮公館

孤館萍鄉路寥寥稱客情鳥聲喧日午山色蕩
春晴不飲愁偏積無言意自生西巡尚千里極
目瘴煙清

別李伯起二首

會面悲分手仄期瞬息過一宵增感慨萬事已
蹉跎極目懸秦望長吟入楚歌太微精曜在長
燭桂山蘿

逆境安身藥榮名賈袖媒君恩深雨露吾道有
遠來洗耳空明洞披襟獨秀臺桂枝深出地何

處不掄才

是秋子在廣西應試

休衙口占

觀察承宣重非才屢拜加四年三易省十夢九
歸家丹筆生心火清霜點髮華休衙看明月初
上紫薇花

尚達齋招飲狀元峰

一望窮千里高登鼇頂峰海門東際澗山勢壯
來重雞犬蓬瀛近煙霞梵剎逢出雲紅日在老
眼更從容

過仙霞關東林應瑞同行八韻

何年窮地軸此路接天梯
南北江湖遠高深象
緯齊雲腥龍出洞苔破鹿行谿
野渡無人問荒
林有鳥啼杏花村不見茅店月空樓
午憩臨飛
瀑宵征聽早雞帝闈塵外杏鄉國望中迷
一笑
逢知己風煙謾品題

對策

袞冕臨軒物象熙周家多士集彤墀
才非賈誼
寧須哭直似劉蕡亦受知天祿雲煙浮筆硯蓬

萊日月麗旌旗敢云身在層霄上忘却燈窗
下帷

桂林行臺四山皆几席間清奇峭拔名重
天下誠不誣也民事多艱不遂登眺爪
期得代對景惘然

桂山奇峭世間無日日當窗見畫圖
排去離愁
忘歲月助來吟興徧江湖空岳花木青黃間
疊
石莓苔紫翠腴也被山靈嘲我俗寧拚半晝狎
樵夫

賜宴

詔下蓬萊第一宮瓊林與宴九州同入屑體酒
流霞紫壓帽宮花借杏紅自是明良千載遇勿
虛圖報寸心忠醉歸還向長安道燈火笙歌玉
駱驄

延平別葉廷璽兼呈張伯章黃守正時同
年同外補伯章南海守正揭陽廷璽高
安予則高安也

宦遊南北歎飄蓬回首君門亦幾重勝會瓊林
三日宴離愁劔浦五更鍾予慚處斷非蘇
去循良繼魯恭臺諫于今多外補暫時分手復
相從

送常山尹余宗美考績之行

夫子襟懷瑩雪霜洵宜政事與文章鳴琴已協
陽春調飛馬行依日月光花縣民思今召父杏
園人識舊仙郎朝陽正爾梧桐盛枳棘焉能滯
鳳皇

北上期郭秀水不至

歷代詩選 明 楊慎 曰
聞君行旆住蘇臺我亦楓橋祖帳開秋色滿江
將我去煙波何地覓君來湖山孤負詩千首風
月深憐酒一杯欲待仙舟話疇昔雲泥隔面不
勝哀

詠金山寺

天塹中分十里流僧房長挹海門秋無人不道
金山好有客重留玉帶不龍出曉堂雲未散屢
沈香壑氣常浮題詩先付中泠水待我登臨酌
滿甌

進表朝下口占用李邵伯贈行韻

江湖三載憶長安此日應憐會遇難玉帛萬方
朝闕下紫微中夜現雲端歡呼壽祝乾坤久錫
賚恩涵雨露寬歸到掖門煙樹裏乳鴉啼斷曉
霜寒

用前韻擬送秋官林待用謫滇南

緘默場中獨犯顏滇池萬里肯辭難雷州司戶
嘲誇大潮郡昌黎學輓瀾觸目炎涼隨地遣到
頭夷險且懷寬碧桃紅杏沾天日松栢風光耐

歷代詩選 明林竹石

七

二百四十七

歲寒

遊金山寺不果

幾度經過憶勝遊風波世事阻扁舟山當下上
江心處水望東南天盡頭玉鏡臺前看寶髻芙
蓉葉下卧龍虬昨宵夢得麻姑信海外于今只
九洲

寓武進呈二教陳孟廣先輩

鵬搏早擊海門秋偶失東隅志未休傾蓋滿斟
燕市酒之官同買潞河舟江山得句時賡唱雪

烹茶日獻酬此別悠悠已三載相逢不覺話

緱繆

賡嘉定二教林克清見寄

光華上國展初觀野水晴山柰別難宦海偏逢
鄉曲好黃堂祇似泮宮寒詩將寫景腸猶澀酒
欲開懷量未寬一歲相過無兩度清風明月付
誰看

寄杭州別駕邵錫之

萍梗相逢聚一堂清忠相許鬢毛蒼仙舟待醉

歷代詩選

明林竹石

次集卷五十六

八

四

梅江月驛騎常馳
荻渡霜曾學少年
忘戲謔誰知中路轉
參商贈行愧乏陽關曲
越水吳山思渺茫

迎養

慈親六十八春秋
三載堂前只夢遊
瞻舍孤雲常在目
懷兒白雪易盈頭
小孫可伴板輿戲
薄俸聊充菽水羞
閩海吳江天咫尺
東風期買芋原舟

以公事之京口周李二同寅遠餞

京口姑蘇不日程
畫船湘席欸離情
謾驚吳穴如萍水
且喜同僚卽弟兄
竹寺覓茶消醉渴
野僧呼酒解餘醒
夕陽孤棹龍山渚
南望長吟愧報瓊

錫山舟中呈同年呂宜中期遊龍山惠泉不果

兩岍垂楊覆畫船
相看况復有同年
眼前山水詩題徧
江上風花酒興牽
鳥解人情轉溪樹
棹歌漁樂隔汀煙
龍峰笑我塵纓者
何日能閒酌

惠泉

舟次宜興有懷

一棹朝常暮至宜萍蓬蹤跡本無期太湖東望
 如彭蠡陽羨西瞻似武夷柳色纒勻鶯囀候蘆
 芽猶短雁歸時思鄉日日愁腸斷消遣惟憑四
 韻詩

溧陽道中

陽羨纒過又溧陽郊墟桃李似蘇常金陵地近
 雲霄上天目山高牛斗旁積雨空林歸杜宇小

溪新水浴鴛鴦五年前是春明客今日江湖歎

野航

丹陽道中

踈篠垂楊陰古河江南風景復如何潮通天塹
 傷前事路入金陵憶舊過茅屋曉殮煙火少石
 梁宵泊虎狼多推篷起坐觀星斗擊楫長吁歎
 浩歌

登釣臺

捫蘿踏破半空雲吳越低垂杳靄濱物外煙霞

歷代詩選 明本竹田 十一
有真意人間岐路自浮塵客星天澹龍歸遠夜
月江空鶴唳頻篙子不關今古事一帆風正促
前津

余友王朝紀家多荔枝茲歸過期懸想有

作

三槐堂後荔枝叢六月纍纍青間紅摘浸盆池
松澗水乘餘石榻竹間風別來幾載天涯想歸
去將秋樹底空勝畫官家多後熟東君畱待意
無窮

蘭溪夜泊

愁枕青山驛傍溪繁華不讓浙東西高林樓閣
畫圖出繞郭峰巒屏障低相燭迎春金字帖香
醪過夏甕頭泥泊舟不寐思鄉里坐聽灘聲與
鳥啼

次衢州寄余常山

宦海睽離亦幾年浮雲流水兩茫然獨憐鮑叔
偏知我誰念中牟尚滯賢明月野航千里夢清
風高館一魚懸相望咫尺猶憑雁寄取江東渭

歷代詩選

明本竹田

次集卷五六

七

四

北聯

喜過衢州

思歸常恨翼無雙
舟過三衢思已降
脩竹鶯聲來半枕
亂峰雲氣入朝窗
山行五日甌閩地
水歷千灘長樂江
江上故人留話舊
白魚香稻酒盈缸

登虎丘千頃雲和聶大年韻

風日清時憩此亭
吟眸望入碧雲屏
金精既散虎文炳
劔水空藏龍氣腥
張祐集中詩寡和
生

下法誰聽凭欄不盡登
臨興獨喜桑麻日
野青

建溪舟中

山行牢落憶舟楫
水涸程脩意轉迷
亂石激流溪曲折
閒雲橫嶺樹高低
月斜篷竹疎螢度
風靜沙汀獨鳥啼
卧看星河占夜徹
更無茅店一聲雞

泊水口

黃田南下刺歸航
江水無聲石不剛
偶語鄉人

歷代詩選
情自洽乍看榕樹蔭偏長山花有意當杯落沙
鳥如知笑客忙望隔家林三百里夢魂前夜遶
高堂

竹崎阻風

千里江湖渺歸興須臾風雨滯還期山林燕雀
啁啾裏舟楫魚龍出沒時泊岍行吟長歎息倚
閭顛望更驚疑此時無酒消詩渴遙指雲林買
荔枝

遊西峰別月峰上人

幾載懷山今晝遊老僧相見意綢繆獨迎翠竹
雲邊路共聽寒松石上流柏子飄風來客坐桂
花分露入茶甌宦情未入道情減祇使東林猿
鶴愁

中秋夜舟次延平對月有感

萬里無雲月滿天平分秋景自年年人言難得
此時霽客意偏驚今夜圓光攬故山慈母夢影
搖官舍小兒憐寸心兩地愁無計坐聽城鐘起
曙煙

述閒

忙時偶爾習閒身
 懶泊城濠去問津
 一日無詩難脫俗
 通宵不寐為懷人
 船頭水淨胡僧眼
 雲外山含西子顰
 弄水看山成癖處
 因悲案牘久勞神

壽母

初度年年菊正黃
 預傾仙醞獻高堂
 常時夢裏驚衰老
 今日樽前喜壽康
 七十人生能有幾
 三千里外不遑將
 由來令德宜遐福
 還見滄溟徧

植桑

還山東諸故人

自離猿鶴寄魚箋
 不到林塘已五年
 眼見青松長出澗
 手移紅藕盛開蓮
 良朋爭載山中酒
 俗客招營郭下田
 一日得閒思暢飲
 白頭閭里幾人還

疏池

數畝荒塘草閣東
 疏時恰與我相逢
 新涵坊署重重影
 舊映雲林面面峰
 蓮自池中穿作藕
 魚

歷代詩選 明末作
因雨後化為龍捐軀莫報 君恩重還負垂綸
倚水松

遊建寧西觀贈碧虛道人

垂簾踪跡混沈冥偶話鄉塵亦細聽龜伏藥畦
機已悟鶴驚松露夢初醒呼童拾粟供茶果索
我題詩記竹亭解道宦情隨處好古今濃淡付
空青

懷窗友張孟父

劍氣藏山未出銛青燈夜雨共薺菹笑談喜見
波千頃別夢愁分月半簾江遠天邊孤喚小雲
深門外數峰尖陽春欲和頓須寄白雁江鱗久
已淹

哭外舅

千里間關訂會期別來那擬死生悲危樓明月
關山影老圃清霜舊菊枝坦腹愧非王氏子招
魂哀寄楚人辭昨宵舟泊澄潭下白髮蒼顏入
夢思

偶成

歷代詩選

月林竹日

次集卷五六

七

歷不言送
明本竹日

五

二百廿六

四面嵐光映日遲
扁舟雨過上灘危
青山日看偏能畫
白鶴來時未可騎
遣病學調囊裏藥
消閒自算局中棊
南還北去如萍梗
却羨林鴉戀故枝

茶洋別行人何繼善同廼弟繼周之任

聚散真成水上萍
沙頭立馬望雙旌
皇華載喜兼常隸
伐木那堪續渭城
幾處梅花寒臘盡
數程桑梓暮雲橫
一觴且醉車傍酒
桂嶺燕都萬里情

除夜宿建安行臺與同寅滕吉甫同年

恒叔話別

桑梓未離千里遠
年華又逐一宵除
客心滴碎燈前雨
鄉夢啼殘栢上烏
終古功名垂宇宙
半生踪跡徧江湖
多君二仲能相慰
醉和陽關擊唾壺

宿武夷宮 道士李常春同邑人也

踏月呼開竹下扉
羽人云是舊令威
茗煎龍井殘年雪
蔬摘獅峰絕頂薇
身在十洲遺世累
夢

歷代詩選
竹林竹日
次集卷五六
七

仁

歷代詩選 明林竹田 卷五十六 三百廿
遊九曲挾仙飛洞門忽報金雞唱催上青驄度
翠微

進賢道中有懷

停車徒倚倦逢迎去路悠悠趨曉晴
霜滑危橋驚馬足月明孤枕候雞聲
絲綸簡付今時邁耳目叨居古裏行
知己相逢重相祝風霜臺上務寬平

衡陽冒雨至祁陽宿山舖口占

衡陽纔過又祁陽馬首山花不斷香
吏徒行庖

依疊石岷窺駐節在深篁掃雲隨處成
高卧
雨從人笑獨忙欲寄音書數千里峰前
迴雁未南翔

平樂行臺籌用兵給餉有懷和前人壁間

韻

蕩蕩堯天化日長願垂蔕屋照逃亡朝
鉦暮鼓時多難青草黃茅地半荒湖海
有心馳北闕經綸無術起南陽晚山環
翠清人骨載詠皇華第幾章

送僉憲包好問服闋之京

三年血淚移風俗百歲功名豈爲家
話別芙蓉花外雨夢隨滄海日邊槎
知心不謂交深淺處世誰論調正
哇傳語西臺舊同輩洞源猶未變
桑麻

桂林夜懷器之將別

仕路追隨別有因平生傾倒更誰親
良宵咫尺如千里嘉會蹉跎又五旬
攬轡恰逢多事日折梅同憶故園春
只愁江上孤舟別明月清風冷

再懷器之

萬金猶未到天涯回雁風高隔九疑
鄉夢偏多殘臘夜宦情應減少年時
風腥江海遲舟楫雲暗關山急鼓吹
慚愧胸中少兵甲湘南今日繫安危

送總督閔都憲擢南曹司寇

籌邊樓上坐春風忽覩登仙別意濃
在昔伏波稱馬路于今司寇擢夔龍
錦衣晝領高堂趣黃

歷代詩選 卷之八
菊秋呈老圃容經濟有懷論不盡金陵雲樹遶
千重

阻水昭平同僉憲陳文用賦

昭州南下接梧潯民苦羣夷歲屢侵令肅柳營
旗旆偃詩成蓮幕酒杯斟雨深湍惡遲行色花
落鳩啼碎客心我愛干城人赳赳未聞且兔在
中林

厓山大忠祠次陳白沙內翰韻

自有乾坤適此躬斷魂斜日怒濤風身危未肯

全歸數義盡由來不計功感激江湖存一老

常今古係三公厓山草木應增重誰向錢塘覓

閩宮

五羊江別李伯起

君羈逆旅我朝天百歲心情萬里船別淚祗緣
今日落義交應與後人傳五羊江漲初逢雨八
桂峰高半着煙蹇諤相期堅晚節服膺何必佩
韋弦

還朝以戎功受賞加俸感愧有作

歷代詩選
卷之四
觀風無補愧臺端
叨沐恩波似海寬
隻綺文浮
神豸角千金色
借雪花圍樹功
自信非干賞
增祿何妨未徙官
自古明良難際遇
到頭寧負寸心丹

送張都閩擢任閩中

方面官高武企文
南藩新擢北將軍
駕行向曉辭宮蹕
龍節迎薰靜海氛
王旅時平須養銳
君名年少已超羣
登堂見禮因知德
喜爲雲臺致策勲

丁巳秋八月望後
陞浙江按察僉事
三年蹤跡寄浮槎
忽報遷官喜近家
廉訪臺前仍憲秩
春明門外豈天涯
閒邀七里灘頭月
醉折孤山水畔花
廊廟江湖隨地足
周南畱滯漫興嗟

挽提學豐城游公

七閩山斗失瞻依
春雨芹香報德祠
面命不忘青眼意
心喪猶繫白頭思
誰人已許心中劍
獨我來觀塚上碑
載仰龍光堪頓首
斷厓煙樹倍

凄其

保昌別王器之舟中感懷奉寄

百粵同巡十載前西風逆旅共華顛策踈董賈
愁無盡交洽朱陳老益堅露下美人隔秋水船
頭明月自青天三山非是無仙逕縮地于今幾
學仙

過五羊有感

三年夢繞五羊津重到秋風起白蘋在昔繁華
付流水而今寂寞問蒼旻沈魚過雁皆知我碧

海丹山自可人為語貪泉何日竭庶令清惠澤
斯民

望羅浮次提學潘孔修行臺壁間韻

四百峰頭長是春登臨未暇愧塵輪芙蓉朵朵
霞光粲梅樹重重月色新翠羽有情啼覺夢丹
砂無路覓通神後遊直欲躋金壁渺海凌霄快
我人

潮州會胡允承僉憲喜而有作兼柬丁師

孟大叅皆舊同寅

歷代詩選
卷之四
川經脩阻陸崔嵬
註誤無端念已灰
祇爲疾趨御史節
誰知良晤故人杯
登臨韓廟求遺草
拜讀蘇碑掃積苔
醉話青山雲水窟
誰聞海外更蓬萊

題海珠寺

出郭招提兩岫平
畫船來往寄閒情
海中寶地一珠小
檻外澄江雙練明
夜月頻觀蛟女泪
旱潮常雜梵僧聲
此身欲借涼飈便
直作蓬萊閬苑行

饒平神泉小舟中

平生足跡半天下
今日偶逢行路難
錦里野航無更窄
真人蓮葉有餘寬
夕陽峰勢迎秋峭
深夜潭光映斗寒
一片短篷何障礙
盡收清景足詩壇

神泉小舟中懷湖廣亞叅長汀鍾舜臣寄以嘲之

神泉北上瀨千灣
昔日先生此往還
盡歛風稜宿煙水
長舒憤懣眺江山
濟川輪與篙師巧到

歷代詩選 卷之四 十三
三
听翻思宦海艱九曲權歌明月夜何由同扣紫
陽關

次陳晉菴大叅藍屋驛壁間二律韻寓懷
兼柬茹兵備

侵曉驅馳乘月明慣聽松籟雜泉鳴雲山滿戶
客非遠禾黍一秋農有成賣劍買牛知俗易朝
征暮歛爲心驚停騶地僻逢迎少坐與沙頭鷗
鷺盟

三洲驛卽景

行客望晴農望雨冥冥之際得兼全日斜百里
方逢驛雷送千峰忽洗天稻透香花來屋下竹
添秋意到階前山林禦寇無良策咸願自今長
有年

聞同寅李仁仲少叅往南安至贛不得一
敘口占畱別兼柬陳宗之大叅時宗之
有慶賀之行

分司君復到梅關我昨嶺南歸路漫六十重臨
江浙去一怀難盡涓城歡閭閻土俗須明告屏

翰勲勞媿素餐
緬想矩菴天上至
比隣風月賞
春盤

玉山公館感舊次陳希白大叅畱題韻

三十年來長作客
起曾寓此月嘉平
一時人物
知何在竟夕羹墻夢不成
雨近重陽添旅思
天連浙水漫王程
縱教白首江湖上
欲報君恩罄我生

膺召上京師

登仙人已笑班生
又捧徵書媿復驚
山水窟中

鴻宦况雪梅香畔
促王程欲酬天地四方志
安得心胸數萬兵
君相明良勞吐握
白頭何幸贊昇平

陞右都御史奉

勅總督兩廣軍務兼理

巡撫愧懼有作

江湖廊廟竟何為
新捧綸音下玉墀
半載三遷驚數異
兩藩重到訝時移
草萊枯槁須膏澤
今古勲名在鼎彝
報國寸心猶未老
粵山灑水也先知

生日述懷

白首慚叨將相權又逢生日倍潸然
璽書褒及連三世花甲週來忽二年
雙闕有情懸鳳翼百蠻何幸息狼煙
乞歸未沐覃恩許清夢頻頻遶竹田

贈張元器憲副復職還浙

歸棹飄飄出水涯途歌猶頌老賢司
璠璣滌去蒼蠅點松栢依然翠黛姿
餞有羣英爭載酒囊無餘嘏只留詩
太湖風月寧須買歲晚心期付

釣絲

題督船尚公府藏陳大亨雲山圖

春雲飛盡見青山茅屋蕭蕭草樹間
濟渡無人橫野艇携筇有客訪柴關
五湖煙景應非遠三徑風流似可攀
笑謝西園天上侶披圖寧許寄投閒

送黃義菴還閩

半生宦轍接清遊前是蘇州後越州
桃李滿門閒卽樂江湖馳闕遠還憂
別愁晚浦聞鳴雁歸

趣晴沙對懶鷗試問六平舊同館白頭林下幾
人休

題督船尚公閒庭晚翠

雙榦盆松積暝陰綠雲簾幙畫堂深枝橫遠訝
蒼龍舞風撼渾疑夜鶴吟流響靜含天籟發後
凋應有歲寒心明公對此堪娛目不讓秦封數
百尋

題徐嘉興扇畫梅賡屠大理韻

羌笛悲殘曲含章憶素英關情使君閣詩雪夜

同清

平樂候王器之來巡適阻風遲行親友情

鍾竟夕不寐賦此以迓


江水洎洎南注急天風故故北來狂誰憐孤館
扁舟客只尺相望萬里長

吸翠亭

刻石留題記獨醒危亭虛敞納遙青此中合着
詩翁榻卧看雲山晚翠屏

石倉十二代詩選

明次集卷五十六 終



平樂荆王器之來巡

卷之六

厚

平樂荆王器之來巡
巡遊則風戰行縣式卦

平樂荆王器之來巡
巡遊則風戰行縣式卦

平樂荆王器之來巡
巡遊則風戰行縣式卦

平樂荆王器之來巡
巡遊則風戰行縣式卦

同書

志殘曲合章信素楚關新使

